

KENYATAAN MEDIA

PERTANDINGAN GOLDEN VOICE OF PJ 2012 (MBPJ)

Majlis Bandaraya Petaling Jaya akan menganjurkan Pertandingan Golden Voice of PJ 2012 (GVOPJ 2012). Penyertaan kali ini telah dibahagikan kepada dua kategori iaitu GVOPJ (junior) dan GVOPJ (senior). Antara syarat-syarat penyertaan pertandingan adalah, terbuka kepada warganegara Malaysia yang berumur 8 tahun hingga 36 tahun, lelaki atau perempuan, tidak pernah merakamkan album solo atau berkumpulan dan tidak terikat dengan mana-mana syarikat rakaman, berpakaian kemas, lagu untuk persembahan adalah bebas, setiap peserta mestilah menggunakan minus-one sendiri dan hanya lagu dalam Bahasa Malaysia dan Bahasa Inggeris sahaja akan dipertandingkan.

GVOPJ kali ini menyediakan hadiah-hadiah yang lumayan berbentuk wang tunai, piala dan sijil pertandingan untuk para pemenang. Bagi kategori GVOPJ junior, pemenang akan menerima wang tunai RM2,000.00, piala pusingan, piala GVOPJ dan sijil. Manakala pemenang kategori GVOPJ senior pula akan menerima wang tunai RM4,000.00, piala pusingan, piala GVOPJ dan sijil. Pihak penganjur juga turut menyediakan hadiah-hadiah lain seperti anugerah vocal harapan, anugerah kreativiti dan kostum tercantik kategori junior dan juga senior serta hadiah saguhati.

Sesi saringan GVOPJ akan berlangsung pada hari ahad 4 Mac 2012, jam 8.30 pagi hingga 1.00 tengahari bertempat di Taman Tasik Bandaran, Kelana Jaya. Peringkat separuh akhir GVOPJ akan berlangsung pada hari sabtu 12 Mei 2012 dan pertandingan akhir pula akan diadakan pada hari sabtu, 26 Mei 2012.

Untuk makluman, pelbagai aktiviti sampingan telah disediakan untuk memeriahkan lagi acara pada hari tersebut antaranya Pameran Auto Show & Motor Show dan Info Hunt. Orang awam di jemput hadir beramai-ramai bagi memeriahkan lagi acara tersebut.

Segala maklumat terperinci mengenai pertandingan ini, orang ramai boleh melayari laman web MBPJ iaitu www.mbpj.gov.my atau menghubungi Bahagian Pelancongan, Sukan Prestasi Tinggi dan Kebudayaan MBPJ, Tingkat 7, Jalan Tengah, 46200 Petaling Jaya, Selangor Darul Ehsan di talian 03-7956 0203/06. Tarikh tutup penyertaan pada 4 Mac 2012.

Sukacita dimaklumkan, pertandingan GVOPJ ini mendapat kerjasama daripada Kerajaan Negeri Selangor dan Wak Jali Event Management yang turut menganjurkan Pertandingan Memancing GP Selangor 2012. Pertandingan memancing ini menawarkan hadiah berupa wang tunai RM40,000 (johan), RM 14,000 (naib johan) dan RM7,000 untuk tempat ketiga. Untuk keterangan lanjut orang ramai boleh menghubungi di talian 013-383 8655, 016- 293 7741, 013-358 8206 dan 012-682 3479.

Sehubungan itu, mohon jasa baik media untuk membuat hebahan kepada orang ramai, kerjasama tuan/puan amatlah dihargai dan di dahului dengan ucapan terima kasih.

Disediakan oleh,

Sekretariat Media

Majlis Bandaraya Petaling Jaya

Laman web : www.mbpj.gov.my , facebook: Petaling Jaya City Council,

twitter : pjcitycouncil, emel : media@mbpj.gov.my

Tel : 03-79563544 sambungan 203/204, Faks : 03-79582695

Sebarang pertanyaan atau maklumat lanjut, sila hubungi :

Pegawai Perhubungan Awam MBPJ, Puan Zainun bt Zakaria, 019-2239604, zainun@mbpj.gov.my